



246
1019

Bosnia and Herzegovina
Federation of Bosnia and Herzegovina

CANTON SARAJEVO
Government

Broj: 02-04-8980-1/20
Sarajevo, 27.03.2020. godine

Na osnovu člana 54. stav (2) tačka 2. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj: 35/05) i člana 26., 28. stav (1) i 31. Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 - Ispravka), Vlada Kantona Sarajevo na **Devetoj vanrednoj** sjednici održanoj **27.03.2020.** godine, donijela je

U R E D B U
O IZMJENAMA UREDBE O OSNIVANJU SLUŽBE ZA SKUPŠTINSKE POSLOVE
SKUPŠTINE KANTONA SARAJEVO

Član 1.

(Izmjena člana 7.)

U Uredbi o osnivanju Službe za skupštinske poslove Skupštine Kantona Sarajevo („Službene novine Kantona Sarajevo“, broj: 4/05), član 7. mijenja se i glasi:

„Član 7.

Sekretar Skupštine obavlja funkciju rukovodioca Službe u skladu sa zakonom i Poslovnikom Skupštine.

Sekretara Skupštine postavlja Vlada Kantona Sarajevo u skladu sa Zakonom o državnoj službi u Kantonu Sarajevo ("Službene novine Kantona Sarajevo", br. 31/16 i 45/19) (u daljem tekstu: Zakon) i drugim propisima koji uređuju ovu oblast.

Sekretar Skupštine ima status rukovodioca stručne službe koju obrazuje Vlada, a u smislu člana 10. stav (1) tačka a) Zakona.

U slučaju spriječenosti ili odsutnosti sekretara Skupštine, u poslovima rukovođenja Službom zamjenjuje ga državni službenik kojeg on ovlasti.

Sekretar Skupštine za svoj rad i rad Službe odgovara Vladi Kantona Sarajevo.“

Član 2.

(Brisanje člana 8.)

Član 8. briše se.

Član 3.

(Brisanje člana 10.)

Član 10. briše se.

Član 4.

(Brisanje člana 11.)

Član 11. briše se.

Član 5.

(Ovlaštenje za izradu prečišćenog teksta)

Ovlašćuje se Ured za zakonodavstvo Vlade Kantona Sarajevo da utvrdi prečišćeni tekst Uredbe o osnivanju Službe za skupštinske poslove Skupštine Kantona Sarajevo, u roku od šest mjeseci od dana stupanja na snagu ove uredbe, usklađujući i pravni osnov uredbe sa trenutno važećim propisima koji uređuju organizaciju organa uprave u Federaciji Bosne i Hercegovine.

Član 6.

(Stupanje na snagu)

Ova Uredba stupa na snagu narednog dana od dana objavljivanja u "Službenim novinama Kantona Sarajevo".



Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenica predsjedavajućeg Skupštine Kantona Sarajevo, gđa. Danijela Kristić,
4. Zamjenica predsjedavajućeg Skupštine Kantona Sarajevo, gđa. Smiljana Viteškić,
5. Premijer Kantona Sarajevo,
6. Ministarstvo pravde i uprave,
7. Za objavu u „Službenim novinama Kantona Sarajevo“,
8. Evidencija,
9. A r h i v a.



web: <http://vlada.ks.gov.ba>
e-mail: vlada@vlada.ks.gov.ba
Tel: + 387(0)33 562-068, 562-070
Fax: + 387(0)33 562-211
Sarajevo, Reisa Džemaludina Čauševića 1

